

Investigacion ta indica

AIDS A SER INTRODUCI DEN CARIBE NA FINAL DI 1970

E virus tabata worde transmiti pa personanan homosexual y bisexual



ORANJESTAD(AAN) -- Den e revista "The Courier" di luna di Maart 1991 tin un articulo hopi interesante encuanto Aids.

E articulo ta dividi den diferente seccion. Un di e seccionnan ta relata encuanto e islanan di habla Ingles den Caribe.

Segun investigacion di Caribbean Epidemiology Center (CAREC), e promer caso di Aids reporta den Caribe na e paisnan di habla Ingles den Caribe tabata na Jamaica na 1982.

Pa 1986 casonan a presenta na 12 di e 19 paisnan di habla Ingles den Caribe.

Di e 12 paisnan, Surinam tambe tabata inclui. Pa final di 1986, CAREC a worde notifica di 1606 caso, 927 morto. Na medio 1990, 283 caso mas a bin acerca.

Investigacion di World Health Organisation (WHO) ta indica cu e transmission di Aids tabata tuma lugar mas bien cerca homosexualnan y bisexualnan.

Ta asina cu mayoria di e casonan ta presenta cerca personanan cu nan edad ta varia entre 20-44 aña. A keda constata cu 90 % di e casonan ta resultado di relacion sexual di cual 52.9 % ta contacto heterosexual y 38.1 % ta contacto homosexual.

Infeccion como resultado di inyecta droga ta solamente 6.6 % di tur e casonan di adulto. Solamente un caso a ser reporta na Bermuda mientras cu e otro nan ta di Trinidad & Tobago.

Pa 1989, mayoria di e paisnan di habla Ingles den Caribe tabata investiga e sanger di e ser humano promer cu usa esaki pa cualkier otro meta.

Investigacion a muestra cu Aids ta aparenta di a ser introduci den Caribe na final di 1970 y gran parti di esaki tabata den e poblacion di homosexual y bisexual cu tin contacto cu Norte America.

Casonan di muher infecta no a ser reporta for 1970 sino te na 1985. Desde e tempo ey esaki a conoce un aumento

drastico.

E investigacion haci pa WHO ta muestra cu ta parce cu e homosexualnan den Caribe ta parecido na esnan di Norte America y Europa Occidental.

A keda constata cu hopi homosexual den Caribe ta casa y ta haya yiu. E comportacion bisexual aki caminda e homber infecta anteriormente a accelera e proceso di contagio, heterosexual cu ta crea e tendencia cu tanto e homber como e muher ta tene relacion sexual cu diferente persona.

Na 1988, cu ayudo di CAREC, Pan Americano Health Organisation (PAHO) y World Health Organisation Global Programme riba Aids (WHO/GPA) a introduci un asina yama "Medion Term Plans" (MTPs).

E MTPs ta encera:

- * vigila e epidemia;
- * prevencion di transmission di e virus door di tene relacion sexual;
- * prevencion di transmission di e virus via sanger etc;
- * prevencion di transmission perinatal;
- * reduccion di e impacto di infeccion di Aids riba individualnan, gruponan y sociedadnan.

Den un campaña di informacion cu a inicia, tabata concientiza e poblacion cu e unico cura contra Aids tabata prevencion y cu uso di condom y tene relacion sexual solamente cu un persona, lo reduci e posibilidad di contagia cu e virus.

Segun CAREC, e campaña

Table 1. Reported AIDS cases in CAREC member countries (1980 — June 1990)

Country	Year										TOTAL (n)
	1982	1983	1984	1985	1986	1987	1988	1989	1990		
Anguilla							1	1	2	4	
Antigua & Barbuda					2	1	0	0	*	3	
Bahamas				36	50	90	93	168	70	507	
Barbados			2	9	21	24	15	40	16	127	
Belize					1	7	0	*	*	8(11)	
Bermuda				30	21	21	28	35	12	147	
British Virgin Is.							1	0	*	1	
Cayman Is.				1	1	1	1	1	*	5	
Dominica						5	2	3	2	12	
Grenada				2	1	5	3	8	*	19(17)	
Guyana						12	30	40	26	108	
Jamaica	1	0	1	3	6	32	30	64	29	166	
Montserrat								1	*	1	
St. Christopher & Nevis						1	*	*	*	1(18)	
St. Lucia				4	0	7	2	4	*	17(16)	
St. Vincent & the Grenadines			1	0	2	6	7	6	*	22(22)	
Suriname					2	5	4	35	21	67	
Trinidad & Tobago		8	19	45	77	87	160	167	85	648	
Turks & Caicos Is.					2	2	2	*	*	6(8)	
TOTAL	1	8	23	130	186	306	379	573	263	1 869	

SOURCE: "AIDS in the Caribbean Update (1980 — 1989)", AIDS Window, Vol. 1, i Sept. 1990, Caribbean Epidemiology Centre (CAREC) and Weekly Epidemiological Record, No. 44, 1990. WHO Geneva.

* Report not received.

Data to 30 June 1990 from Weekly Epidemiological Record, No. 44, 1990.

(n) Totals from Weekly Epidemiological Record No. 44, 1990 where these differ from CAREC totals.

educacional a duna resultado den sentido cu a concientiza e poblacion.

Sin embargo te awor tin poco indicacion di cambio den e forma cu na a paisnan aki ta tene relacion sexual, esta cu diferente persona.

A keda constata cu e problema mayor den Caribe ta e mantencion di informacion confidencial di esnan infecta.

A worde señala cu mester di un educacion extensivo pa e pueblo pa segura cu esnan infecta lo no worde isola, kita

for trabao of cu ta rechaza di haci un intiero normal.

Tambe a ser indica cu e servicio medico ta bon pero e asistencia social no ta esun adecuado.

Manera DIARIO a publica algun siman pasa, na Aruba a registra un cantidad di caso caminda tin personanan cu e virus di Aids. Si compara e cifra aki cu esun na e paisnan den regio enberdad esaki ta hopi abao.

Sin embargo e ta keda un preocupacion ya cu e por aumenta y bay for di man.